

沅  
湘  
耆  
舊  
集

沅湘耆舊集卷第一百二十四

新化鄧顯鶴湘臯編輯

長沙毛國翰青垣校訂

鄢方廷正笏 二十八首

正笏字方廷醴陵人所居有畫村故自號畫村乾隆中貢生有澹雲亭集岸花騰笑草方廷爲醴陵名宿與吾邑孫石溪吳蘭柴湘陰周半帆默耕兄弟及寧鄉之鄧南坡永綏之胡樸園友善時稱七子諸君皆兄事之稱之曰鄢五丈澹雲亭集自言爲潼關楊玉谷攜去未還今所存者岸花草鈔本較之孫吳諸子才力似稍遜蓋殘帙也

出門行

適軸本微尙弧矢念生初桑榆事遙征有若秉燭遊未分  
鶯燕侶妄希鴻鵠儔豈謂辭巢出翻勤鳩婦謀婉婉前致  
詞緒語如栗留卿言亦復佳去住甯人由但收中田稊爲  
吾營糟邱會當持螯歸酌子慰離憂

讀史

魏齊勝之友我愛趙平原當時有虞卿崎嶇爲相援人生  
重意氣成毀何足論如何終離味失足韓王孫  
刺刺不愛生髡鉗不遽死此事主不知獨有吾濟爾巨罪  
固當誅慷慨謝天子跽犬亦吠堯惡聞齊辨士

燕丹求死士虛名惑武陽圖窮匕首見白日躋無光雖云

劍術疏始謀固不臧我行邯鄲市徵歌猶變商太息擊筑  
客袖手委路傍

武安過魏其仲孺速之行爲爾城南田失我頰水清人自  
驚丞相向背視枯榮如何立然諾遂令死生輕乾餼小愆  
爾塊壘故難平首鼠辨此獄碌碌漢公卿

長句戲壽內子

緋桃三月蒸霞天誰家玉案飛瓊筵我亦歸而謀諸婦有  
客有酒輒忻然嗟予夙抱幽憂疾遣挂早賦蕭條篇離鸞  
棲鳳歷幾載梅橫紙帳清宵眠舊劍難逢莫邪鑄靈膠漫  
續忽雷絃黃頭敢爾笑諸葛高髻德耀伯鸞賢織女縑素  
不如故兒衣差免蘆花穿米鹽凌雜百不管聖室曾更涕

四連以茲粗安鳩鳥拙翻若翡翠交相憐篝火熒熒雞喔  
喔咿唔聲與機杼聯但願藁砧致身蚤豈知磨蝎身命纏  
卿言亦佳時慰藉好官不過多得錢况有先人敞廬在從  
子行耕鹿門田前唱後和歌陌上長鏡對荷月娟娟應門  
有奴憐顏士入室無婢侍鄭子綠窗蓬戶形影弔舉案時  
聳吟詩肩晨炊屢屢佐熟食暮抱瓦甕汲寒泉但恐尊空  
罍亦罄清明已過冷朝煙何當拔宅雲中住令人歎女僮  
乎僊

畫村

鎮日孤村路南山更北山春田泥活活湖道水潺潺亦有  
林泉癖從知稼穡遠風交隴上披對豁塵顏

獨立蒼茫裏悠悠感自多躬耕吾所願經世事如何歲月  
驚心逝風雲觸眼過古人憂樂意未分付蹉跎

楊玉谷明府秋影圖

霽影三更月商音四壁蟲何爲耽寂寂聊復證空空吾意  
雅如此天心無故同驗時推閨葉未是感秋風

鑿石浦杜陵草堂

信宿詩人地荒祠傍水涯楚巫猶祭社蜀客已無家雨立  
憐沙鳥風迴認岸花香芹聊爾薦憑眺起長嗟

次玉谷明府詠蘭元韻

采采思君子蹇然空谷來當門知爾畏入室爲誰開佳句  
清如此芳心故未灰風爐憐臭味特遣試茶杯

沙洲香齋集卷第二十四  
三  
中宮寺訪雪舫上人不值題壁

豎拂拈椎過總疏水邊林下地餘初輸君面壁猶敲句老  
我名山未著書吾道百年常鼎鼎浮生半日偶遑遑清溪  
白社多時夢欲舉前因一問渠

羅虎文補官粵東枉過山莊遂贈之行

桂叢差喜御塵幘御埽風頽舊雨稀脫粟尙餘萸稗熟呼  
醅聊引蠨螋飛幾時絲竹延開壁一笑輪蹄竟款扉密坐  
從容尙出處空山猿鶴下斜暉

翻孫幼梅書問兼述近懷

停尊無語對雙魚往事沾襟搵毳餘三策終惟繁露學五  
湖漫數計然書自注幼梅以治生爲問冠彈貢禹吾何羨金鑄鍾期

願豈虛頗怪梁園遲授簡四山風雨茂陵居

寄張芷卿農部

嚴廟手筆推燕國畫省文章重左司大饗好爲清廟頌百  
官競賀早朝詩簿書堆裏時開卷散直歸來偶畫眉學道  
勝情都不減風流自昔應多師

詠菊

西風黃葉滿闌干勝有秋香耐曉寒高節未妨籬下寄重  
陽多向雨中看小山招隱憐叢桂金谷成空悟牡丹莫謂  
帽簷輕折取頽齡還藉落英餐

張蔚齋比部出守黔中駐節里門有贈

虎節麟符錫尙方路車騎士過江鄉法曹正倚張廷尉啟



事頻推晉望，郎銅鼓千峯。般豹霧，胖胛百雉，表蠻荒，犀輅  
驛路仁風，布嶽色晴開萬里疆。

度支三載，宦情違再召，延英感賜。緋綽楔，何心榮畫錦，鮪  
梭有夢，戀宵衣，東南民力，今何似，猺獞歸誠，古亦稀。好爲  
蒼生，酬寄謝雲霄，爭覩一鴻飛。

望宜春臺

梅花幾點照江濱，楚尾吳頭市語新。漫擬崇臺供小眺，輕  
帆斜日過宜春。

游清溪歸途口占

春風扶醉下高寒，漱石香泉詠未殘。清興南樓應不淺，夕  
陽山影滿闌干。

度香橋卽事

梅花泉界畫村遙亦有雲林屋覆蕉  
慚愧十年稱健戶青  
山一笑度香橋

詠史

魚腸一擲感吹簫  
碧血長殷豫讓橋  
韓老縱然羞共傳  
只今易水尙蕭蕭

尺面曾窺鐵硯穿  
六州錯鑄割幽燕  
中原縱有橫磨劍  
說到陰山不敢前

帶礪東南鐵券開  
表忠片石鬱崔嵬  
如何狼狽芒山寇  
不見錢唐弩矢來

呈王九溪先生

香名銀管紀湘東虎觀書成報赤虹好爲斯文留一髮何妨此老不三公

蚤行

邯鄲消息悟黃梁蝴蝶溪藤夜正長底事曉風殘月外一般辛苦趁人忙

夢中別友

客中餞客難成醉君去思君應有詩別緒秋風吹不斷繫人無那柳絲絲

洞井道中紀夢

賦別同拈折柳詩吟髭搖落數莖絲誰知茅店雞聲月不是巴山夜雨時

王南陔敬禧 二十九首

敬禧字孝承一字南陔號春墅先世居浙江錢塘  
其後客遊於楚遂占籍爲武陵人乾隆中貢生有  
詩教堂集南陔少端謹刻苦向學嘗學詩法於研  
北翁褚筠心侍講廷璋督學楚南時亟稱其文行  
詩教堂集紀文達公序之其甥趙文恪公爲鏤版  
以行文恪致身通顯刻苦如寒素蓋得力於舅氏  
者多也紀文達公序詩教堂集凡六卷曰研農草  
曰郵籤集曰閩海二集曰庠蓮獨倡集曰  
松濤園草曰南陔書屋鈔曰夫江草而附以詩餘  
蓋暮年精自沙汰之本故其中可傳者多不爲囂  
巖斗絕之論亦不爲奇怪惶惑之態而  
和平溫厚能不失聖人立教之遺意

久雨霽得明月

風停夜寂寥涼月落前席水氣接虛池霏微天逾碧遐光  
靜心機空青杳人跡蕭然立廣除疏雨墜高柏

舟行望昭山次韻

昭山遠當案久承登山心緩棹潭外來極目窺高深銅青  
歷峯頂鐵色皴巖陰夕陽明山椒矮屋曲折尋湘淵本無  
底自注水經注山下有旋泉深不可測故言昭潭無底也山勢一以臨何當理雙履

攀躋叩雲林

潮音洞

石路迴松杉寥蕭露清景循彼白版扉叩此丹巖境巖窟  
一軀微彳亍雙趺梗窈然邃宇開神工竭馳騁地負勢欲  
傾雲頽色方暝石骨成支撐山根見剛耿其閒蒞精靈光

怪變俄頃顛或鼇戴山頭乃樹結瘿寒苦疑搖肩熱酷亦  
袒裨豁牙笑正張裂眦怒旋悻眉低竟沈憂鼻息難睡醒  
亦復菩提慈誰若天魔靚中乃具莊嚴性極普門靜梵音  
海潮音定力制羣警是謂大神通於茲失頑鑽其有窮攀  
援爛砌陰森併媧石隕天關歷落歷山頂有時因風旋歛  
仄及肩頸苦竹春芭遲暗泉微瀟冷大塊多勞途避喧得  
幽迴虛響忽塔然空山發深省

燕子巖

誰揚摩天斧細界千片雲片片作勢飛小歇溪之濱又若  
裁陟釐長風吹紛紜其或葛媪戲亂摺蝴蝶裙憑高無靜  
態擁簇各有羣千丈時一落凝睇翻水紋危構乘巖居空

龜定颺颺鐘磬有時作正似天半閉若行老頭隨晨昏事  
鑪熏謂非死灰心虛響未可分山人儕猿獠仿佛懸臂耘  
山寒氣候遲野燒薪榆粉我行南河久自注順昌以下至  
因關謂之南河  
水宿頻煩寃到此心轉悸靈怪蠕氣氲奇巒互波濤高下  
張膠鬲由清羈魂矯首避斜暉

六月廿四日邵武山行過龍鬪破石諸處

笠帽覆兩耳觸熱昇竹籃屨骨支炎歊延緣陟層巘行行  
不容趾宛若來左擔俯瞰杳澄碧藤莠垂淵潭比昨水大  
上河沙擁空峪徑峭浮埃深往往迷所探跬步一或失隕  
越顧可甘夏氣正大壯焦原解樂耽我豈謝公屐畏景增  
顏慚水宿悸心魂方期離憂悵咫尺足躡澗川陸同禎愍

小住惻心日何解貪夫貪

溪行春眺

春山如香匳百卉在所攬金翠自零星脂粉交映掩清溪  
碧半篙鏡光明澹澹宛然婉嬾人靚粧親點檢晨曦照未  
融遠黛嵐初斂木末八九家架構隨巖廣桃花燒欲然柳  
葉汁堪染翦刻勞天工憑襟亦何敢索居無獨謠行春會  
心感天和卽此知陰陽各舒慘

繡竹詞 并序

雍正癸丑閒先君子曾遊潯陽見於筆記者有孟氏家  
山繡竹葉皆縷解云是杞梁妻鍼帶時念遠所爲至今  
蕃茂今年晤蘭江楊翁爲予云昔曾親訪其地前所爲



姜女祠祠僧云屋後徧山竹皆是然當以無意觀之若  
預爲期恐不獲見爾時登山延眺果與常竹無異因疑  
神注睇良久葉漸有散者既而彌望竹葉皆散多分爲  
五縷者當風策策亦不復見其合矣予重感其異爰仿  
樂府體賦之

香鐙滯遙夢刀尺敲寒心霜根與雪榦倚此修竹林竹林  
葉何多隴阪又交河良人役何地雁足無經過檢我嫁時  
衣衣敝金縷飛單絲不成匹愁深嬾鳴機小時繡鴛鴦雙  
雙復行行停鍼靜凝睇檀欒影生涼石人立山頭汜人泣  
河流王事義所迫薄倖非君儔竹竿亦有詩竹葉亦有思  
織鍼割未被柔腸斷多時縷縷連條條披離青鳳毛海枯

石可爛此意安能消只今幾千年精靈寄蟬蛸未欲粗心  
人輕言我見憐

湯頭亭溫泉

燭龍睡熟焚其髯火珠墮入黃泉潛誰鼓橐籥吹炎炎魚  
眼湯沸薪猶添氣蒸珠跳循流占趾步不共陂塘淹我久  
塵垢值所炊浴漏已具無帷檐澡濯手足心難慙譬彼疴  
痛希鍼砭薰風浮徧千山巖朝夕得求貧家檐庖鼈膾鯉  
人具瞻以釜飢繫何庸兼陽谷一脈藏箱匱火爲水妃理  
不嫌陰陽爲炭取則廉滋潤仍足生葭蒹嗚呼若漢華清  
誰敢滄氓瑤瓚引成清嚴只今農子湔犁鈴曷不一決洪

爐燭

灑口阻水三日水溢奔漲風雨不輟倚枕漫成長句  
水勢未至聲先號倏忽平地驅洪濤高原遠岫盡煙障蛟  
涎龍氣蟠腥臊風雨迨遲騁奔放大波盡力吞礮礮糜蓬  
一葉任飄撼祥柯繫纜慙堅牢鍬揚顛頓忘日夕正懼一  
縱隨流漂兀翻鬪慙不欲食移漏拍拍蓬窗敲建瓴直下  
雄且駛殊異一芥依堂坳竹箭飛湍已三日雨師河伯同  
宣驕濟厯不慮溪壑破吞蝕豈顧舟楫塵微生僅仗寸版  
奇甃得偃仰云安巢隻身遠遊何所取執鞭求富未足嘲  
筆札因人覓升斗夏畦甯甚趨承勞壯哉雀鼠有餘食臣  
饑誰冀分釐蒙研田耕穫尙乃爾科名詎謂顏髭操槐花  
消息久邇遐暑中孤權歸迢迢灘犴水洶石槃布周折百

罇擲輕舳一上正復三卻蹟與爲勁敵懣強篙咆哮泐泐  
日相習性靈汨沒神情銷更將一葉狎鴻浪故都亭堠猶  
迢遙嗚呼丈夫讀書貴致用明廷和氣希夔臯不然陞伏  
守邱壑長林豐草容遊遨胡爲羈窮履虎尾賤軀無乃齊  
鴻毛

廬山行贈劉秋圃

白雲不隱廬山高含真藏古神寥蕭先生長嘯下崖谷霏  
微雲氣香方袍山鬼不覩劍花紫筇杖瘦瓢落都市眼底  
三山舊閱塵袖中五嶽真形紙蒼龍吸墨無水文雲垂海  
立驚紛紜粉筆可活孔北海綵絲誰繡平原君滿堂絲竹  
詫古調明月無聲萬山峭城內朝朝白酒昂山中夜夜清

猿噉廬山秀甲香鑪峯屏風九曲蟠游龍金花玉蕊白春  
色青泉白石容秋空我欲平攀南斗看雲穴君家無乃主  
人翁

對月

半壁影浮天清光又度年凍虛晴雪水寒覆隔邨煙今夕  
夢何處平生信白憐迢迢雲脚遠底事對嬋娟

月夜泊朱洲聽度曲感賦

煙暝急鶻雌清歌正起遲湘江不流處山月乍明時遠道  
攀芳草蓬場和竹枝獨憐聲半咽哀怨爾何爲

袁州道中

三月西邨好青畦娛老農秧鉞延水秀麥陂帶雲重日氣

薰刺似灘聲，急夜春萌。攬聚清景時，復憶過從。

訪玉茗堂遺迹感賦

寂寞臨川叟，風流玉茗花。文章留節概，詞賦發雲霞。碧蘚  
蘊歌扇，青山失故家。到來增緬望，莫漫按紅牙。

西風

關河勞夢寐，誰遣夕中生。月色不離地，山寒盡入城。籟虛  
聲，答響秋老雁。無聲處處皆，長道徒看白露盈。

新寧縣署同人出西郭訪摩訶巖登放生閣

巖峙摩訶峻，蓮潭水注長。一城資砥柱，萬古勒隄防。山骨  
當衝健，波心漱影涼。示公有遺蹟，曷乘未能詳。

一統志載蓮潭岸上

萬古隄防四字爲周廉溪書石刻宛然

讀芝龕記有感石砒秦夫人事後題

賁固寬巾幗功偏著遠荒効忠輕洗氏宣力勝奢香白楮  
蠻軍陣紅鞞侍女妝簡書徵命急兵氣倍飛揚  
自襄師行食貞誠奉帝邦平臺明主感甲帳漢臣降績累  
勤遼海謀非失蜀江史箴名將傳女子正無雙

歲暮雜感

黃華山色近日與容相於位置宜邱壑行藏異卷舒歲時  
荆楚臘風味武昌魚卽此雲嵐重何從駐役車  
冰雪求虛化青瑣永嘯歌交情貧士少病味客途多妙緒  
靜聲輓神方洽穉羅何須羨文鳳遠覓玉山禾

望桃源後洞二首

懸濛林藿抱山斜。山上秦人舊有家。版籍何須區魏晉，神  
仙端合愛桑麻。巖扃清閟誰探鑰，桃樹芳穠正作花。知有  
層樓鎖深處，避喧應厭世人誇。

尋源願結十年前。津逮靈區亦惘然。石髓未餐仍俗客，雲  
林無地學顏仙。刀圭湯博三升酒，卿相何如二頃田。應被  
漁郎笑行役，沿溪紅樹不停船。

瓶菊

圓花璀璨發西風。色相初窺曲室中。霜後巖阿孤賞在，客  
邊尊酒素心同。閒門舊迹栽三徑，今雨瑤華寄一叢。振觸  
鄉園書訊杳，橫琴應對鼓離鴻。

半畝蒿萊處士家。霜寒籬落未全遮。別懷欲采珠盈把，對



方清者有身 卷第百二十四  
面眞成水一涯味愜道腴枝澹宕憐深人瘦葉欹斜膽瓶  
消受維摩供清夢中宵莫漫嗟

聞龍介堂歿於京邸詩以哭之

狷性同予氣誼敦短檠猶記共荒村狂來稷契身曾許佳  
處曹劉氣已吞書札暫通千里夢文章何補一家言空餘  
行篋遺編在無復開尊細重論

辛亥正月十二夜步月

埽淨陰霾月近圓庭除徙倚意翛然久經冰雪猶畱凍警  
觀櫻花已判年過境願居安樂國養心眞契太虛天晶瑩  
咫尺靜相印一任鄰家噪管絃

穀雨日蓮潭書院漫成

沾泥柳絮不飛處漠漠春陰穀雨天排闥山青濃佛髻映  
簾波白趁漁船羈懷觸迥心誰寫鄉訊希疏夢亦捐擁鼻  
微吟還獨笑不妨於此悟窮禪

青陵別墅

并序

陳惕齋學博有世業在白馬湖上卽曾南豐歸老橋記  
所云青陵之田也嘗考得記中之柳侯乃筠州牧柳平  
字子儀今孟冬朔邀同人遊賞其地且謀作亭以明舊  
蹟同次頴濱寄題柳氏天真堂康樂樓元韻

柳氏當年畱架構榜懸康樂又天真苦心苟未披文徧俗  
說誰從問字親詩屬頴濱新贈句序憑山谷舊傳人合將  
歸老南豐記勝地由來翰墨珍

訪得橋基知好古欲增亭子意如何暫歸未便忘簪紱  
娛老將毋倚釣蓑黍稷稅隨烏特辦滄洲盟共白鷗多  
抗想幽棲在湖月林風信靡他

陳同甫覺民二十九首

覺民字同甫號耕巖湘陰人周希甫先生有寄姊  
壻陳同甫詩云論詩酷比申韓律多難頗分管鮑  
金又云能甦萬人瘠自博一身彊可想見其人

紀夢

擊伴窮靈竒徐行未嫌遠山深絕塵囂細路復紆轉空翠  
壓林梢芒屨踏苔蘚鳥語詫人行茅檐吠村犬野花沿徑  
開堯英惜蹂踐隔鳴夕陽明山光綠如染褰衣涉溪流水

寒清且淺逍遙暢幽情煙霞得指點欣茲物外遊世慮頓  
消遣

山居雜咏

幽居少塵事庭院寂無譁洗硯臨新帖斟泉灌晚花林深  
忘雀鬪檐靜任蜂衙卻喜遲避日偏長山客家

闢地緣栽竹穿池爲種荷圃才三畝大花過百叢多道勝  
窮無鬼身閒睡有魔物華渾似約一一入吟哦

學劍非吾事爲農病未能檢書朝據几覓句夜篝燈邱壑  
容棲憩山林恣眺登心空諸妄息時事預何曾

昨遇蒔花叟新傳種樹方截筒韜茉莉灌水蓄昌陽橋嫁  
新枝茂梅艾老格蒼兒曹暗相笑繞圃日何忙

時復捫便腹山居不負吾甘瓜  
緗赤玉新芡擘明珠杯嫩  
松花熟盤香地菌腴樵青殊解事  
野採佐朝廚  
閒從鄰曲歸息倦倚柴扉傍  
舍菰蒲老沿畦豆莢肥健蜂  
衝網去飢隼攫雛飛時有清風至  
輕涼生葛衣

書感

天地猶然有劫燒一枝且可寄鷓鴣  
年華冉冉塵棲草生  
計茫茫鹿覆蕉野性人皆憎叔夜  
醒狂誰復恕寬饒懸疣  
附贅今參透習氣雖除恨未銷

壯氣銷磨歲月遭墮身劫海任沉浮  
丹飛金鼎仙緣薄夢  
醒南柯妄想休食肉定應須燕頤  
求官那許及麀頭卻嫌  
樂志非通論強道青天可寄愁

兩將書卷誤華年，負郭曾無二頃田。  
妄擬學泗能濟渴，本希成佛卻生天。  
命窮子羽甘頭責，晝臥邊韶任腹便。  
虎吼篔簹中，君莫異而今。知我獨龍泉。

臥病枕上口占

鏡裏顛毛失，故人閒無藥制頰。  
齡癡情未斷，身爲累倦。鬼難祛，筆不靈。  
苦潦又逢騎月雨，惜花愁見照泥星。  
枕涼簟滑牀敷軟，贏得閒眠讀道經。

欹枕昏昏睡思濃，不才天遣臥山中。  
涼生竹榻芙蓉雨，香透紗廚茉莉風。  
遇事稱佳真上策，閉門覓句笑阿蒙。  
畏人避事常稀出，政恐酸鹹有異同。

睡穩宵涼病漸輕，蠻藤竹枕不勝清。  
夢回月落羣鷺寂，野

方外書目身卷第百二十一  
迴風生萬竅鳴茶竈筆牀幽事足藥爐經卷道緣精名山  
有約吾終去事願猶懷畢向平

山居慢興

占盡癡頑信宿緣底須足穀與多田閒中富貴花千樹貧  
裏功名詩百篇赤米白鹽堪卒歲清風明月不須錢世閒  
誰更慵如我日上三竿尙然眠

癸年已分付犁鋤報國文章計竟疎世業未離龜手藥雲  
林敢望鶴頭書菜場埽地晴收稻坎井瀟泉夜灌蔬一飽  
以還吾事辦紛囂原不到樵蘇

詩書拋盡愛農桑只有躬耕計最長雲子翻匙新稻熟松  
花蒲盞嫩陪香一錢不值老萊病百藥難醫拙與狂山谷

蕭然人跡少飯餘消受野風涼

貧賤

貧賤消磨烈士心漫隨閭里共浮沉  
詩無傑思嗟才盡學  
轉荒唐坐病侵憂患正由生  
識字匪窮那有運堆金未登  
鬼錄猶賒死寓世徒增感慨深

春日訪周澹園馬上作

一徑蕭疎雲氣昏  
橋橫野水曲通村  
是誰茅屋青山裏  
開了梅花尚閉門

雨霽出遊近村

陂塘雨過亂鳴蛙  
村徑人稀畧釣斜  
馬上忽驚香滿袖  
道旁開徧野薔花



夜坐池上

夜闌移榻近池旁，竹裏風深笛簾涼。山月欲斜桐影轉，滿庭清露藕花香。

感事

謀生儂白歎迤邐，良馬當咨范柏年。酒媪染人渾漫計，自

劉後村詩染人酒媪逋傾囊先辦捋髻錢

急信頻催佐壽尊，西平皂襖漫無存。書生筐篋堪珍重，覓得相如犢鼻裋。

詩禮徒爲發冢資，衣冠清且欲奚之。如何口未含珠者也，把金椎控頰頤。

升斗方懷固耐憂，無端目可監河侯。渠儂也是鴻都客，人

地升天不肯休

信書無計斷交馳慚愧吾宗六出奇說與膺門爲婉謝但  
言身死已多時

草茅報國早輸租催督寧須待急符遮莫里胥狎似虎詩  
情能敗乃公無

春日

柴門口午樹陰底自酌村醪醉似泥幽夢覺來聞燕語夕  
陽還在小窗西

竟日尋芳興轉添平原日暖草纖纖爲憐春色無多許拗  
取山花插帽檐

籬邊新笏盡含苞燕子呢喃理舊巢庭院日長鶯對語東

風開到棟花梢

朱亦垞和塚八首

和塚字亦垞武陵人硯北翁子乾隆中貢生有集

畫馬

畫肉太肥骨太瘦紛紛畫馬誰居右龍眠居士松雪翁韓  
幹皆出曹霸後畫師我謂如詩人讀書萬卷方通神胸中  
若無十二閑地上那見真麒麟當軒健筆頗不弱直逼驀  
踏失空調爲持此論問杜甫莫道人閒無伯樂

重陽後一日聽高山人彈琴

山城秋氣蒼梧來颼颼入牖松風哀龍山落帽罷高會草  
堂把菊傾尊鬱海上仙人抱綠綺又門一破雲中齒移情

定有水仙操爲余遠駕琴高鯉須臾月出東山高竇御屏  
息微吟猿了東鳥啄枯木喙郭索嶢翼寒蘆螿放手一奏  
瀟湘空瀟湘雲水青濛濛回軫再鼓洞庭水洞庭無波秋  
雁起我是煙波一釣徒明月扁舟從此始

閏六月十五日對月

自注是夜立秋

皓魄不改色清光流至今庭前下風露一夕生秋心迢遞  
念鄉國高天調素琴寥然衆山響坐我青楓林

登江神閣

江渚尋佳構蘭蘅薦一庭當門收遠舶隔院聽緝經

自注閣右

寫迴風古剎

樓閣臨無地風騷乞有靈留詩懷屈子煙水際青

冥

秋螿步韻

驗取前身是荔枝炎荒物態感秋遲那堪零落煙花部  
暢好消磨綺靡詩柳外梅邊濃睡處蓼紅葭白獨飛時  
可能重奏山香曲淒絕蘭亭竹與絲

湘南懷古

荆湘路接洞庭波夾岸楓林幾雁過虞帝祠荒殘照冷  
番君臺迥暮雲多悲風流水空傳瑟柔艣青山好放歌  
指點汀洲芳草路白蘋無際奈愁何

同人遊德山

蒼灣遙接洞庭秋此日登臨望裏收巫峽少陵渾漫興  
江關宋玉不勝愁一山楓掃蕭蕭雨萬里暎阿滾滾流  
直上

層臺一回首浮雲西北有高樓

重遊光佛寺看桂有感

不到禪關已六年秋光又值木犀天重來舊口留詩地無  
復當年撰杖前老樹當門仍爛漫故人卽席與流連座中  
獨有卑魚感落葉西風一點然

陶秀才樂一首

樂字士表安化人諸生性好學家貧不能從師是  
時吾邑黃先生方倡學湖南所過之處從者如雲  
士表隨之不肯去黃先生收爲弟子賞給之授以  
三禮及律呂之學悉得其傳旣籍於學而黃先生  
歿士表率諸同人數百里送柩之新化廬墓三年

始歸晚授徒益陽沅江每逢鄉試年輒與余兄弟  
 聚晤長沙屢試舉人竟以窮困死黃先生名遇清  
 字國高其學無所不通陶文投嘗為余言近世吾  
 鄉儒碩當以先生為祭酒而時人乃罕有能言之  
 者可慨也存士表此詩亦以存黃先生也

哭黃先生

大道久不著斯文終古頽先生豪傑姿拔起南方陲讀書  
 一過目眾理無不該晶光奪星日咳唾生風雷所至風偃  
 草奔走期追陪先生出所學有教隨所宜衣被各有得大  
 幅妙簡裁德音別以科狂狷成其才如彼白鹿洞義利剖  
 毫釐一時聽聞者淚下不勝揮始知倡道人天挺文在茲

云胡舉世望一朝梁木摧後死不得與長夜悲泉臺千里  
白衣冠執紼荒山隈寡妻無幼子悽惻途人哀起塚藉衆  
力置產護一抔有淚落如絮倏忽滿胸懷先生竟已矣斯  
道其終衰

陶秀才體 五首

澧字彥掄號蘭江安化人諸生於文毅爲從兄弟  
性豪爽家貧好學授徒爲業所至人士爭相慕嚮  
爲小澧諸陶之集

夜坐龍洲書院作

資水從西來浩漫流煙廓滾滾葉莫江到此一停泊憑空  
出高標傑構三台閣榜語揭清新尙認羅與郭宗伯實朝



望蹇蹇一士鶚大聲叱烏程中立無蜀洛允矣社稷臣書  
禮務精博些庵故天才矯矯雲中鶴中歲挂冠歸滄海倏  
冥漠題詩弔國殤荒寺充行腳堂堂故國老談笑無經畧  
巍然魯靈光衣冠殉邱壑二老風義同餘事闕述作願以  
策後賢斯文終古託

孝女瓊姿詩文集冊題後

有序

鄉賢黃江公孫女瓊姿從弟雲汀中丞第二女也至性  
過人幼嫻禮教其母黃夫人嘗病篤瓊姿侍湯藥剗其  
左腕肉皇遽墮雪中不可得呼鐙照索雲汀聞聲呵之  
遂重剗一嚮煮藥物進之淚猶泫泫也雲汀異而詰之  
隨曰兒急復剗此腕和羹耳闔室皆驚時年十三也嘉

慶二十一年邑士聞其事上之大府得 旨旌爲孝女  
給銀建坊蘭山王訪作記時以詩文紀者甚多余閱之  
因敬題其後

天地有至性往往神鬼驚血肉出親體判以醫所生報本  
已慈苦操刀若遺形一割再割時飲泣先吞聲憫此孳篤  
乃乃出於弱齡見者爲心惻聞者爲淚傾昔在我先世孝  
義垂典型大汴救溺者倉卒出至情抱持赴洪流曹娥江  
並旌爰有嘗葺告午夜凜虔誠志氣通寤寐精忱感幽冥  
門戶光且大豈不以人榮表閭 君貺渥貽世祖澤清闈  
揚關葬好大可興羣氓賦詩聊紀事崇實非徇名

長沙覽古

長沙清切古湘濱  
開國番君跡已陳  
卑溼諒緣城郭狹  
回旋添得幅幘新  
柑園樹老悲才子  
蘭畹香衰怨美人  
南望春陵佳氣接  
定王臺畔草甦甦

九日登沅江尊經閣復借遊景星寺歸飲駱學博署  
中卽席次韻

颯颯西風又晚秋  
臨沅高處一登樓  
書廚汲古借中壘  
自注  
吳君蓋堂時頽  
寺志亦同行  
僧院題詩共小修  
自注  
弟雲汀  
紅樹蕭疏山  
徑冷黃花爛漫酒  
杯酬座閒笑指  
凌雲塔乘興還  
登最上頭

重慶城頭遠眺憶雲汀  
弟時方按察山西

巴子名都昔所聞  
塗山高望禹功勤  
江聲曉捲青神雨  
峽

氣晴收白帝雲崖擁百層樓隱隱字成三折水沄沄獨憐  
舉目誰知已汾晉遙遙憶卯君

沅湘耆舊集卷第一百二十五

新化鄧顯鶴湘臯編輯

長沙毛國翰青垣校訂

左贈君人錦一首

人錦字松埜湘陰人監生家貧勇於赴義嘗仿朱子社倉法倡捐穀爲族倉以備凶荒歲屢歉而左氏無饑人著有族倉條約詩不多見其孫景喬學博宗植爲余誦建族倉詩歎其詞意沈摯疊斐動人不特良法美意之足傳乃其詩亦未易及也

議建族倉詩

限田法久隳口分制已亡嗟哉生人艱皆厥無蓋藏去年

歲成成赤地連湖湘萬錢買斛米瞪目不肖量草實與樹  
皮掘弄充饑糧吾宗數萬指餘生出糟糠今年幸有年徧  
地嘉穀黃及茲狼戾餘曷不解囊囊指困固大佳斗石亦  
不妨筭鑰必族老勾稽顛宗良豐年息什二歉歲蠲不償  
鰥寡與老廢薄少相扶將吾聞古先哲仁術重救荒隨有  
長孫平漢有耿壽昌宋則子朱子良法尤彰彰彼爲齊民  
耳尙復周以詳葛藟有本根恩愛况一堂莫聽斗粟謠耳  
寒心爲傷希文獨何人千秋傳義旌

雷茂貢輝郢

一首

輝郢零陵人乾隆中貢生

明月庵弔王漫士

山河瓦解事誰論憑弔孤忠枉斷魂文信已難扶宋室晉

江河處哭天門殘碑洗字閉心血皓月當窗照淚痕惆悵

小臣埋淨土墳頭風雨自朝昏原註庵在黃溪

按王漫土名北熊岡福寧人崇禎時歷官御史太僕少卿奉使往蜀至永遇陷途遜於黃溪明月庵自以八世國恩義當死報於年八月廿三日絕粒九月既望自題一聯云不辱國不辱身不辱親宗不辱所學吾知免夫何愧心何愧理何愧君臣何愧中邦久死可矣有簡陳正誼詩云欲白尋衷言之實難同心之言其臭如蘭又云有如皎日望天咫尺昭揭大義每懷靡及十月十三日自題絕命詩云我是大明臣使蜀經此地義必不可生絕粒而永逝寄語同生者與我原共世十月十七日卒遺屬從者止以平日綃素冠服葬之前郡守同里黃士均偕兄黃翼麗及零陵諸生勒石越乾隆丁亥輝鄆以闢揚忠節呈請學憲陳公科捷立祠陳公亦閩人也惜未果行後碑仆輝鄆復呈學憲修砌陳令三恪重刊縣人胡朝崙等同立事詳零陵志輝鄆亦有心人也

李布衣世漢十六首

世漢字虎軒寧鄉布衣性孤癖終身不娶嘗一與童子試學使者嚴懷挾令諸童科頭跣足以入虎軒忿然曰是齒我於非人也遂終身不復試與安化陽黃江贈公交好皆志節士也著有無與居詩鈔四卷陶文毅公爲刻行

擬詠史詩

儒者好讀書達者鄙章句甚解所不求獲心時一遇慨念  
士文成委講事戎務倉卒擒逆藩艱難展夷步一戰平八  
寨羣蠻有餘怖男兒壯無成感慨生欣慕上馬能擊賊下  
馬草露布



子虛生前賦封禪死後陳甘泉既頌漢劇秦亦美新年少  
達國體泊安策紛綸大儒識道原條對綜天人馬揚辭富  
麗豈不邁等倫翦綵爭花樣要非造物春節義既無取經  
術更誰聞西京起遺慕曹茂與董醇

我愛新息侯馮革矢一死我愛定遠侯燕領飛萬里兒女  
遺襟懷筆硯抱愧恥壯志一以伸夫人不敢喜功名既及  
時榮衰安足擬雲峰偶然羸風帆會須艤

有人而無出撲滿定能傾有出而無入孤注幸求羸良箴  
令人戢巧讒令人驚所以達古人功利一心平曲學成貪  
詐鄙哉公孫宏云何寇平仲不學慢驕盈

壘上古不事漸上古于達由來山水興此意當與誰試登

箕山上許由象在茲試問桐江水巖光釣長垂不見深林  
巢依棲借一枝不見東漢風節義偈一絲匪直逍遙樂要  
爲頑儒師終南有捷徑由者無已時

木鷲飛以機麒麟出以楯所怪亦何多得毋少所見雲路  
自迢迢金多位不賤三公百萬錢銅臭傳遺諺太守二千  
石雁美誇充膳結網亦良難漫作臨淵羨

君平賣卜日別寓濟人功多方語忠臣此意有何窮所以  
聖賢徒當養以萬鍾而胡蚤下簾寂寞市井中想其自食  
力百錢覺已豐資者自不足心計一何工廉者自有餘身  
世爾相通

漂漂水上葉沈浮不自由落落天下士恩怨不能休身值

困窮日紛紛任所投報者心懸切施者未違謀河清正可  
俟寒暑一時周一飯無不償睚眦有必酬若令終夔屈此  
憾長悠悠事在恩怨外姑請附虛舟

雜感四首

卞和足遭刖璧價重連城孫臏足遭刖賢子遂成名諒彼  
自有真何心計屈伸謂事已至此便是未了因荆山一得  
剖燕石愧纒巾馬陵一算勝將軍樹下曠

燭龍居北海銜照爭扶桑腐草積卑濕宵夜炫螢光兒童  
驚指顧撲拾爭奔忙亦有寒峻士徵求斗斛量嗟彼若木  
處誰解一望洋

蟬蛭鳴高樹飲露夜禁寒蝓蟻隨地有噉糞時轉九九轉

一飽餘露清一飽難何來螿螂怒殺心琴或彈營營樊棘  
輩回氣乃交歡

蟲小有蝨蠅鼠點時般薑人生百年內寸心豈不長奴便  
崑崙似婢須如願償歲寒試松栢歲閨厄黃楊相彼淘河  
鳥竭澤快飛翔何如信天緣凝立自昂昂

無題二首

簾靜雙雙燕子風團團深見月生東愁思好借秦箏託書  
信難憑衡雁通浦外草仍何處碧門前花是去年紅畫欄  
倚徧閒無事怕向天涯望轉蓬

人間如意事良難天上佳期怕夜殘寡女絲存蠶未死杜  
鵑花老血纔乾石槽只妒紅蕤豔修竹應憐翠袖寒惆悵

巫山峰十二雲行時向夢中看

落花

莫將花事論升沉零落猶驚鐵石心自有名園曾共賞豈  
無絕澗未經尋風流競託俱成昔蜂蝶空憐直到今香豔  
若留狼藉處此時默默爲誰禁

落葉

落花時節莫須驚天地澄清氣已橫目極雁飛雲萬里耳  
餘鶻叫月三更縱沾雨露終無色便在風塵亦有聲此際  
悲歌勞朱玉不然何處見澄清

朱布衣賢超 十八首

賢超字韋庵寧鄉人著有求告堂草韋庵終身布

衣早歲嘗交歐陽礪東又與同縣黃虎癡習一君  
爲余言其梗槪殆狷介士也詩亦不作尋常語

蔣琬故宅

諸葛既不祿王業尙偏安託孤與寄命公瑾當其難徙屯  
阻要宮御衆秉心寬吳魏馳羽書戎馬紛驚看嗚呼赤精  
衰典午窺泥丸場竈閣嗣主權倖移中官陰平一失險面  
縛多悲酸亦有費董流涕淚黃泉乾白帝城畫短定軍山  
夜寒鬱鬱思雅志區區苦摧殘廢苑竄鼯鼠宿草零露溥  
天意可預鏡始貴申屠蟠

寓古寺偶題

薦愁霜威厲紫萍風勢嚴孤鐙背僧寮屯厓憐廉織裘衣

轉憎薄醜水貪趨燭不知壯盛氣嗔此如凍蟾大眾紛騰  
器攘臂爭鋒銛八萬四千座閉關無八層鬢髻颯颯笑桀  
黠烏鼠規形神一失我彼哉乘巧儉壽洞若火昭伏誑  
逃潛事會借蠶蛭神物亦滯淹浩劫約萬萬入定寧懽懽  
十笏能平量要與維摩破

李耽三冊子

保氏掌六書相沿立三估法物貫星宿奇文蝕風雨款識  
窮凹凸色氣辨今古斯翁體尙變湖也筆親取詞瀾出相  
下雅故割觀縷宗派衍名家子今遠繩武好從謝客遊記  
勝樂史宇瀟湘爲回腕結騎駢纓組分子餘橐裝將母念  
勞苦歸翹如言游作頌疊吉甫於維羽陵臺緬邈汲冢譜

波磔既茫昧，窺輒失訓詁。別烈笑象胥，豐豐無快睹。但解聽雕蟲，安知縱藻斧。愛君能問字，對此若中壘。况復違尸喪，涕洟隱陟岵。我歌百感集，奚啻圖書府。

謝黃孝廉貽扇

驕陽煊猗纒，炎海蒸濤瀧。冰師縱勢至，莽歛不敢撻。風壯南國勢，力與燠火扛。企子深樾林，翳此白羽幢。襲面清不滓，心心愠初降。一揮廬山瀑，再揮嵩山涼。又送嶸州雪，忽臨彭澤窗。雪藕浮甘瓜，揮手厭雜曉。豈爲庾塵辟，未須班月慢。素絲慎凍染，筠節傷橫撞。殷勤衫袖間，譬引開惡恣。何當亭臯詩，拜賜寶一雙。

雨



兼旬苦炎熱埃霧空幽室悵望西北郊興雲徒鬱律項冥  
秘其權蛟蚪不肯出晨起頭上黑黢黢復密密引頸過亭  
午沛然自空疾驟如決江河遂及滿溝洫跣足傍檐楹開  
襟洗憂邸退坐晚霽涼山風來瑟瑟

條蟬續既雨壁蛩切新霽幡焉塵世心迸入涼秋思當令  
故宜盛得勢會會恃赤日方熾時洪爐豈不避涼燠一彼  
此幾翻風雨至人情似易遷物理本無貳秋山淨可棲清  
慮稍自遂性近得幽備梁竈亦其志

遊嶽麓示一二同志

禹碣迷神蹟孤松齧石根撥塵登嶽頂懷古俯湘門日月  
靈鼇揭乾坤野馬奔龍蛇知有道誰與細分論

山居十首

近識買山意，迥然只對山。到來塵鞅息，管領物情閒。人靜  
天空，闌秋高，鶴往還。庭階紛綠草，不許小奚刪。

樵徑崎嶇得漁磯，澗深通畏能忘。夏日悲不到，秋風畫永  
宜書。夏更闌，覺酒雄。偶聞足音，喜恐自輟塵中。

祿利渾無管，池林信有神。鳥翻煙外樹，魚剗浪頭萍。朋信  
他山百文章，大塊春浩歌。隨意足幽獨，與心親。

黃金不高掛，闌事未全非。鶴瘦知子空，龍閒爲客稀。雨餘  
常洗硯，秋至漸添衣。靜理時時得，游心稍稍微。

絕鱗付新晴，寒塘落影明。斷雲過水急，宿霧出山輕。竹葉  
共蒹葭，前交味。菜羹茅齋復何有，風竹自生聲。

一徑入青蕪關心事事殊  
幽花窈媚蝶茂樹長慈烏  
屋漏從雲補身羸得藥扶  
所親驚見過氣體近敷腴  
簡與禮何背行於藏亦兼  
四時邊宅土九卦熟溫謙  
石不爭名怪泉應得號廉  
此山虛衆妙不用拂龜占

故山時一報近狀頗淳  
厖不礙空林月遙飛絕  
壁涼積柴爲虎落巖石  
卽魚在何處問奇字天  
邊鴻雁雙

人事多消息風花有盛衰  
由來關物理不使役吾思  
掃徑青松直開軒碧柳垂  
鄰翁說年稔來坐晚晴時

水石范寬畫雲煙張旭書  
茫茫供野興往往足端居  
夢落遠鐘際春生時雨餘  
山林蟠萬象瀟散見真如

闕思

步江者不集 卷第 下 二 一 五  
高樓夜方永明月鑑羅幃不願作歡夢但願無醒時

黃歲貢孝事 一首

孝事字移忠善化人乾隆中貢生

遊靈峯寺

積月苦露沈漏下草屋溼移牀近乾垣時向蒼身立夜半  
見星斗朝暎霧猶灑遠樹雜晴嵐日隨飛鳥入攬衣度石  
石泉聲幽澗泣喬木鬱蒼莽古寺俯原隰向夕扶筇出蒸  
然腥氣襲林深襟裾綠想像蛟龍蟄

荆茂貢白才 一首

白才字參兩溆浦人乾隆中貢生

廬山懷古

善卷逃名事渺茫，卻聞遺蹟在高岡。  
煙霞痼疾誰能起，泉石膏肓世自忘。  
丹竈遺灰春寂寞，楸枰殘局月蒼涼。  
遊人至此增惆悵，燕語鶯啼日夜忙。

何秀才煥 三首

煥字星田，寧鄉諸生，與唐陶山方伯交厚。方伯客山左官江南，星田皆從，與唱酬甚夥。余髫齡時，卽見其岱下吟刊本。後過寧鄉，訪之，窮老目盲不能見。客迄，余官寧鄉，則星田死久矣。陶山丈櫛山詩話稱其佳句五言如紅鱗驚客影，綠筍礙人衣。斷橋斜飲馬，堯柳半藏鴉。鷺影欺蘆白，蛛絲罨葉紅。鳥護雙扉竹，花藏一鳴春。笛橫殘雪外，門掩亂山

閒柳病橋煙瘦鐘殘塔影高  
七言如風愛約萍行  
別澗花知扶檻睡春陰鴉影午  
歸秋樹斷蛛絲風  
挂別簷斜波定樹爭池底綠  
簷低花上屋尖紅馬  
蹏踏騰千山碧牛背攜歸一  
箔風吟蛩滿院憐人  
散葉落敲門報雁歸雲寒山  
翠鐘移寺絮冷池塘  
燕出簾月明縣郭寒於水牆  
缺鄰柑綠到衙回徑  
竹陰移鳥夢過窗風緒翦鐙  
花此類差有風趣

晚步

秋漲雲俱澗村欹樹半遮落  
帆迴暮雁歸懷載寒鴉坐石  
樵歌近詩僧竹徑斜行吟過  
小巷澹月到山家

中秋寄懷陶山登岱

銀河倒瀉玉池泉  
雨洗層巒八月天  
客臥僧窗雲促起  
曉看杯海碧於煙

題畫

斜川妻子水雲居  
欲訪清蹤畫裏如  
門掩芋田鴨鵝語  
聲滿屋雜縹車

舒秀才東八首

東字芬照湘鄉廩  
生小有文譽工吟  
善書畫屢舉不第  
以諸生終著有青  
芬山房詩集

古碌碌詞

碌碌復碌碌  
坐食炊珠玉  
那復慮百年  
一飽萬事足  
食懶得充饑  
食鑿得果腹  
衆中恥非倫  
密居傷孤獨  
太息復何

益歡景日以促努力及時爲老大一棺束一歌令人喜再  
歌令人哭古有韓娥女實能爲此曲

朱張渡懷古

我遊嶽麓遊其顛我遊湘水遊其淵吁嗟古人不可見紛  
紛講學誰爲賢紫陽夫子有遺蹟耳目所及心茫然萬言  
封事讀未得緬維此地占天山後世無復陸子靜當時乃  
有張南軒西與南阜兩登陟尋梅踏雪分幽妍風雨橋亭  
古渡口想當興發同翩躚流風遺韻今未歇居民擷秀懷  
芳望行潦之水尙可薦願以澗毛充豆籩山中尊酒固未  
乏要使胡絃口流涎

祁陽道中



蓮岫遙開處青餘一綫天日光初覺澀山影未成圓石髮  
梳巖壁雲芽漱澗泉人家谿畔住咳唾亦清妍

感懷寄彭二薄暨

檢點當年舊嫁裳熒熒皆淚滴青箱郭巾徐榻爭能賦短  
李迂辛各擠場秋圃有花皆菊婢越人生女是珠娘獨憐  
憔悴江潭上蘆葦先零白露霜

將赴鄉試寄春臺

送客年年作郡時秋風破帽又今茲小星賦命生來薄下  
駟程材自信遲孤注那堪輕一擲背城聊復望全師滄溟  
此去能乘便慰答人天未可知

占意二首

儂居湘江北郎居湘江南儂言江水淺郎言江水深  
郎多歡喜容儂傷憔悴心郎作並頭語儂爲白頭吟

褚公洗筆池

殘碑剝落起相捫古物莊嚴屹屹尊奎壁乍當秋後色龜  
螭新蝕雨餘痕唐亡九廟孤忠藹事過千年一石存孤蠹  
遂能爲濁水龍漦今已達宮門更衣在昔傷先帝賜浴他  
時啟後昆遑恤關雎開萬化竟忘疆鵲畏多言艱難國步  
逢徐勣貴戚卿階賂長孫鵬鳥有聲悲下士懷沙無路叫  
重圍垂簾莫預家人事負屐深孤顧命恩

郎秀才問陽 三首

開陽字星六號一亭黔陽諸生玉瑋七世孫育古

松園詩草

月沛園書懷

涼風何蕭瑟，滅我庭中綠。  
密葉辭故柯，叢荷斂殘馥。  
野色淨如埽，山容澹若沐。  
蟬蛩暮鳴哀，蟋蟀宵吟促。  
感此時序，改深悲人代。  
連身世等浮雲飄，無定躅。  
百慮鬱中腸，翻騰車轉轂。  
莫怪阮嗣宗，途窮輒痛哭。

書堂臨曲沼，澄波漾錦鱗。  
遶屋蔭梧柳，濃陰鳴蟬螿。  
山色黛百里，芳畦綠四鄰。  
樵歌與牧笛，嘔啞旦暮聞。  
課罷時晏坐，清寂絕塵氛。  
於此得真樂，世路悔馳奔。

雀噪日光斂，雞鳴夜漏半。  
蟲聲砌下悲，螢影風前亂。  
秋氣逼繡幃，愁人心悵惋。  
念昔諸弟昆，相對共隴畔。  
夜眠或聯

牀談文必共案有酒互酌斟逢花同賞玩不知分爾我祇  
覺樂泮與此意不復得臨風發長歎

向歲貢達禮 一首

達禮字幾周溆浦人乾隆中貢生嘗客黔陽與修  
黔陽志

醉石軒

頑石從何來聚之米顛越謂是醉如泥渾身皆傲骨豈不  
有醒時無眼看簪笏若教能點頭凜凜秋氣勃

邱秀才厚瑾 一首

厚瑾字璧人黔陽廩生有松香齋詩草黃虎癡學  
博云璧人詩有性靈句如耐冷不妨蘆作被謀生

除卻視無田賜枯詩思澁難出運甕錢神祭不靈  
皆清新可誦

醉石軒詠梅

洗除今古繁華豔愛爾獨存面目真竹外蕭疏長伴鶴風  
前欹側不依人夜深一樹白雲冷曉起半窗殘雪勻莫訝  
冰魂多淡泊山中高士久爲鄰

邱秀才厚元一首

厚元字泰初黔陽諸生

還石軒紀事和龔太史韻

瘦骨嶙峋世所希銀螺位置護樊圍摩挲尙有先人澤曾  
作山中蕨與薇

賞心端的重情癡趙璧重歸事亦奇別後蒼顏猶未改故  
山松已長孫枝

吳秀才山青 二首

山青字廷簡號崑巖常寧諸生

讀昌黎秋懷詩卽次其韻

丈夫不可羈皎皎爽氣凌安能逐時趨促若被凍蠅自合  
抱清正不妨流俗憎明月激清景高山見孤稜神龍舞空  
闊奇矯不可習若看衡嶽上開雲誰獨能

春日石鼓源道中寄懷竹亭兄

男兒墮地多俗累先生有道不世情生憎野草連天綠轉  
厭聞花滿眼明皓月自宜高士殘仙鷗獨傍海翁行一從

遠別芳園後風雨無情漠漠生

裴秀才珪 二首

珪字酌堂武陵諸生有酌堂集

古洗歌 有序

辛酉秋舟過洞庭漁網中得古銅器青翠斑駁索而視之高五寸有奇口徑尺腹可容三數升許傍作兩獸耳口齒環環已失中有雙魚形隆起銘曰宜侯王制作撲拙字兼分篆博古圖所傳漢雙魚洗類也亟購以萬錢爰爲作歌

首山出銅精且堅範爲寶器光燭天軒皇懸鏡應律呂大禹留鼎昭神姦繫惟一器匪其類規撫質素形神完考古

有圖厥名洗冰漿挹注常涓涓腹隱雙魚勢撥刺旁鐫三字銘辭全爲想當年在朱邸錯峙玉敦珠槃閨丁時流落等瓦缶沈淪入彼清冷淵陸離光怪動水府蛟龍欲攫不敢前洞庭波始生乘興掉湖船浴日涵空景恰會探竒緣漁人舉網獲異物驚相傳視皆茫然遙望未明心已識入手古藻紛爛爛色如削瓜青透骨土花成暈彌中邊斯時意氣爲傾倒探囊盡付牀頭錢摩挲抄嗟玩不忍釋天雞亂唱忘高眠神物顯晦各有以豈有名寶終棄捐人生遭際一如此聽我長歌古洗篇

題魏蕉雪山水障子

胸不讀萬卷書足不走萬里路縱使羣稱老畫師亦只誇



人絹與素李營邱與顧虎頭意匠慘澹與天游五日一石  
十日水大乙下觀鬼啾啾請看歷代丹青史誰非當世眞  
名上腕中暗運如有神牆脚睡危堪羞死魏君家住洞庭  
西湖光摩盪天爲低驚濤駭浪山倒立朝暎擁出紅璃瓊  
惘然畫學石田老雲夢八百吞懷抱赭黛林間露佛廬煙  
光瀟沓連青草文章愧不石田如爲君放筆歌此圖仰天  
大笑光如電躡身跳入壺公壺壺公壺中何所有亦有日  
月磨蟻走徬徨聊復放閒情斲聲直傲華山叟

悔因

悔因浮薄得虛聲不事耨鋤事苦吟煙雨一簑牛背好鶯  
花五字淚痕深鏤塵應白嗣宗眼誓墓誰明逸少心自向

康衢猶窘步亡羊歧路等閒尋

楊秀才尙載一首

尙敬字地德沅江諸生

桃川

武陵溪畔疑無路雞犬聲中又有邨幾處漁家依洞口  
灣又照潛柴門當年不解分秦晉今日何從問子孫悟得  
桃源真隱意世間名利不須論

滕秀才斗南一首

斗南字作求常寧諸生

合江亭懷古

石鼓嶼江亭蒸湘左右合征帆上下交漁歌互酬答我來

恣遊遊秋色一亭納埽石讀韓碑不受風霜拉景仰武侯  
祠如對隆中榻徙倚步朱陵石洞門常闔伊人去已遠江  
上風颯颯倚檻矚蒼茫靄靄雲煙雜

左秀才人特一首

人特字亦亭湘陰諸生

遊雲麓宮

躡蘚捫蘿到上方諸天大地兩茫茫飛泉日暮挂高樹清  
磬一聲山葉黃

段彬一首

彬字介人安仁人

宿天元山示恒觀老衲

沙洲香齋集 卷第百二十五  
深林別具一間天，靜裏居諸遠世緣。  
雨過看花多野意，客來煮茗有巖泉。  
數椽非大身堪隱，半偈無拘心自傳。  
至道原空文字障，想君應不墮枯禪。

周鏞 一首

鏞字元音安仁人

登文明閣

一片煙波畫不成，  
鳩來閣上獨含情。  
林間半露邨前屋，  
花裏時聞谷口鶯。  
雲月最宜詩思澹，  
風泉都付道心清。  
吾廬咫尺登臨近，  
薄暮憑欄眼倍明。

李知謙 三首

知謙字收齋甯寧人有愚邨詩草

山齋偶興

深山復何有，片片白雲逸。下簾雲在山，捲簾雲在室。

邨暝

餘霞晚靄渺無垠，流水潺湲月一痕。葦岸風腥人獨立，隻鴉啼過打魚邨。

舟泊黃沙灣

兩岸烏啼江上月，一舟人在水中天。綠蘆沾得荒邨酒，醉倒黃沙古木邊。